



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm IV. Si quis contrà.

---

[urn:nbn:de:hbz:466:1-62587](#)

nec secundum personam, nec ratione equi subiectus si huic jurisdictioni ciuis Lauingenus (nisi dicatur equum hinc abduxisse) si tamen suspectus sit de fugâ aut fraude, cogi potest, ut satisficer per pignora; sin nolit aut non possit, tunc sequestrari debet equus in eorum, donec causa cognoscatur à Iudice rei, vti docet Abbas in c. vlt. n. 14. Felinus n. 20.

Ex his iam apparet, quām malè aliqui Legistæ allegantes dictam regulam, quod aliquis sortiatur forum in loco, ubi res sita est, inde colligant, quod clerici in causis ciuilibus coram seculari Iudice conueniendi sint contra expressum textum, statuimus, C. de Episcopis, cum enim clerici exempti sint à jurisdictione seculari, proinde de illis iudicandum est, sicut de extraneis; qui autem extranei & personaliter subditi non sunt, conueniri non possunt actionibus personalibus, v.g. ex mutuo, emptione, sed neque realibus, ita ut personæ ipsæ cogantur ad comprehendendum, &c. Excipio causas feudales, eo quod ratione feudi persona alioquin non subdita obligationem personalem contrahat erga dominum. Confirmatur, si Iudex in causis ciuilibus iurisdictionem habet in clericos, sequitur, quod eos non tantum citare, sed etiam ut contumaces declarare, punire, & ad obseruationem latæ sententiaz compellere possit; consequens autem sacris canonibus aperte repugnat, ergo & antecedens, probatur sequela, quia omnis iurisdictio inermis est, nisi habeat vim coercituam seu coactionem aliquam iuxta l. vlt. ff. de officio eius, cui mandata est iurisdictio.

Quod attinet ad textum huius capituli, perperam plerique Canonistæ inde colligi putarunt, quod reus alioqui non subditus conueniri possit coram Iudice loci, ubi res sita est. Causa errandi illis fuit, quia non inspicerunt integrum caput Concilij Africani sub Bonifacio & Cælestino cap. 88. & Concil. Mileuitanum relatum in c. placuit, 16. q. 6. quibus locis decernitur, ut expulsis tunc Donatistis & Pelagianis Episcopi Catholici non cunctentur recipere parochias ad suam diœcesin pertinentes; sin vero controversia sit de aliqua Ecclesia, ad hancne, vel

illam pertineat diœcesin, nullus Episcopus sibi talem Ecclesiam etiam cum Metropolitani, aut Primatis assensu attribuere præsumat, sed per arbitros à Metropolitano datos vel à partibus cum eiusdem consensu electos lis componatur. Quod si vero accidat, ut diversarum prouinciarum Episcopi de parochia aliqua contendant, tum is Primas Iudices det, in cuius prouincia situs est locus sacer, de quo controversia existit.

Secundum hanc germanam huius capituli expositionem nulla est difficultas, cum enim neuter Episcopus in possessione parochie fuerit, ideo coram neutrius Metropolitano causa juridicè decidenda esset, sed optimè constitutum à Concilio Africano nationali, ut talis causa per arbitros componetur, quos is metropolitanus dare debeat, in cuius prouincia parochia sita est, quandoquidem is ratione rei aliquid plus potestatis habere videtur in causam, licet non in personam Episcopi extranei, sin autem Episcopus extraneus fuisset in possessione parochie, quam alter Episcopus suam vendicarer, tum in optione actoris huius esse, num illum conuenire malit coram metropolitanu rei, seu possessoris, qui illum personaliter constringere posset tanquam subditum, an vero coram metropolitanu rei sitæ, qui tamen in possessorem nihil personaliter attentare posset, sed tantum in rem.

#### CAPITULUM IV.

#### Si quis contraria.

#### PARAPHRASIS.

Permittendum nequam est, ut clerici à laicis teneantur; sed si quispiam contra clericum querelam aut controversiam habeat, Episcopum eius aeat, qui si suspectus sit actori, deputandus erit executor (seu ab ipso Episcopo, seu, si & hoc auctor refugerit, à Vicario seu delegato Sedis Apostolicae) qui partes cogat, vi communis consensu Iudices seu potius arbitros eligant, & ab his quidquid fuerit constitutum,

tatum, Episcopus vel Legatus curabit executioni mandari.

Hic est sensus huius capituli secundum originalem lectionem apud B. Gregorium I. in registro lib. 7. epist. 74. quam ad Bonifacium scripsit Corsicae defensorem, ac delegatum Sedis Romanae.

## SUMMARIUM.

1. *Episcopus loci, & Apostolice Sedis Legatus in iurisdictione ordinaria concurrunt; Legatus autem suscipere causas subditorum non debet, nisi ob defectum Episcopi.*
2. *Index ordinarius v.g. Episcopus ut suspectus recusatus, si recusandi causa notoria sit, vel coram electis arbitris probata, debet dare delegatum partibus non suspectum, vel partes cogere, ut in arbitrios compromittant, vel denique causam ad superiorum Archiepiscopum, vel Papam deferenda.*
3. *Arbitri iuris laudum seu sententiam à se dictam exequi non possunt, sed executio eius fieri debet à Iudice ordinario.*
4. *Delegatus Principis, v.g. Papa ecclesiastico delegato potest per se sententiam suam executioni mandare.*

**N**O T A N D U M I. Episcopus loci, & Apostolicae Sedis Legatus in iurisdictione ordinaria concurrunt, sed non debet Legatus causas subditorum suscipere, nisi ob defectum Episcopi, quia videlicet terminare negligit, vel quia recusat, aut ab eo appellatur, vt colligitur ex hoc c. & habetur in Conc. Trid. Sell. 24. c. 2. de reformat.

**N**O T A N D U M II. Index etiam ordinarius, v.g. Episcopus ut suspectus recusari potest, quo casu, si recusandi causa notoria, vel coram arbitris communi consensu electis probata sit, iuxta c. speciali 6. de appellat. Iudex ordinarius super sedere debet, & vel delegatum ex consensu recusatoris deputare, vel partes cogere, ut in arbitrios compromittant, vel denique causam ad Superiorum, videlicet Archiepiscopum aut Papam de-

ratur, vt colligitur ex hoc c. & cit. c. speciali iuncta Gl. causa 11. q. 1. licet aliter hic doceat Abbas deceptus falsa huius capituli lectione.

**N**O T A N D U M III. Arbitri iuris, qui à Iudice ordinario cum partium consensu statuuntur, laudum seu sententiam à se dictam exequi non possunt, quia solum constituti consentur ad pronuntiandum, id est que pronuntiatione facta extinguitur omnis eorum potestas, executio autem sententiae latæ ab ordinario Iudice fieri debet, vt colligitur ex hoc cap. Verum quod Iudex delegatus ab Episcopo sententiam suam exequi, atque actionem in possessionem mittere possit, recte hic docet Gl. ver. ipsius, Abbas n. 37. Imola n. 2. contra Alexandrum n. 34. Felinum num. 5. Quare cum haec res valde controversa sit, ut videre est apud Menochium casu 74. id est attendendum est tum ad consuetudinem loci, tum ad verba commissionis, num contineant mandatum faciendi justitiam &c. Sed de Principiis, videlicet Papæ, ecclesiastico delegato dubitari non debet, quin sententiam suam exequi queat, c. pastorali, §. præterea, de officio delegati.

## CAPITULUM V.

## Si clericus.

## PARAPHRASIS.

Clericus rem aliquam tanquam suam vel Ecclesiæ suæ repetit à laico possessore; sed laicus ait rem illam clerici aut Ecclesiæ non esse: queritur, ad quem Iudicem haec res deferenda sit. Respondit Alexander III. secundum iuris communis præceptum ad secularem judicem pertinere, quia actor forum rei sequi debet, licet in multis regionibus per consuetudinem aliud receptum sit.

## SUMMARIUM.

1. *Laius à clero conueniens est coram seculari Iudice actione personali, & reali; si causa profana ad Ecclesiæ*